

VIII CERTAMEN ARTÍSTICO-LITERARIO

ASUNCIÓN ANTELO

MAIO 2023

Xénero: Cómico, Narrativa, Poesía, Monográfico e Debuxo

Un premiado por modalidade, ciclo e centro

Aberto a: Alumnos e alumnas dos centros educativos do Concello de Coristanco

Entidade organizadora: Concello de Coristanco

Data límite para a entrega dos traballos: 15 de maio de 2023

BASES E CONVOCATORIA

As presentes bases teñen por obxecto regular o proceso de concesión dos premios do **VIII Certame literario e artístico de Asunción Antelo** nas modalidades de Cómico, Narrativa, Poesía, Monográfico e Debuxo.

Este certame convocase por iniciativa do Concello de Coristanco coa colaboración dos Equipos de Dinamización da Lingua Galega dos centros educativos CPI Alcalde Xosé Pichel, CEIP Canosa-Rus, CEIP Bormoio-Agualada e Cra A Tarandeira.

Asunción Antelo converteuse nun referente artístico e literario grazas a súa gran bagaxe e legado cultural formado por innumerables obras de madeira, pedra e barro; e da que afloraron tamén ringleiras de versos froito da súa vizosa creatividade. Asunción representa a ruptura dos estigmas das mulleres do rural, como ela mesma dicía, “Eu nacín antes de tempo”. Artista multidisciplinar, lenda da comarca de Bergantiños, mantense viva na lembranza de todos cun pano na cabeza e vestidiña de negro, gardando cadernos de versos ou textos en prosa onde deixou recollido o seu imaxinario mundo creativo.

A finalidade desta convocatoria, un ano máis, é conmemorar a herdanza desta autora con gran sensibilidade e emoción poética, que escribía con liberdade, poemas nos que describía cos detalles máis minúsculos, pedaciños da súa vida. Pretendemos así fomentar os valores literarios, promover a creación e a difusión cultural de Coristanco e descubrir o talento tendo como inspiración a Asunción Antelo, Rexubeira de Bergantiños.

MODALIDADES

Poderase optar ao premio nas seguintes modalidades de traballos:

- Cómico
- Narrativa
- Poesía
- Monográfico
- Debuxo

Poderán participar neste certame todos os aqueles autores e autoras vinculados a algún dos centros educativos do municipio. Os traballos deberán estar escritos en lingua galega e deberán ser orixinais e inéditos. Disporase dun premiado por modalidade, ciclo e centro educativo.

PRAZO DE PRESENTACIÓN

O prazo de presentación comezará a partir do vindeiro **3 de maio, e finalizará o 15 de maio.**

Os traballos deberán ser achegados a cada centro educativo de referencia:

- CPI ALCALDE XOSÉ PICHEL
- CEIP BORMOIO AGUALADA
- CEIP CANOSA RUS
- CRA A TARANDEIRA

XURADO

Para a valoración dos traballos que concorran á convocatoria nomearase un xurado de avaliación designado polos **Equipos de Dinamización da Lingua Galega** de cada centro educativo. O xurado terá a facultade de rexeitar aqueles traballos que non se axusten ás bases así como declarar deserto calquera dos premios. O devandito xurado terá plena competencia para aplicar e interpretar as presentes bases e as súas decisión serán inapelables.

ENTREGA DE PREMIOS

A entrega de agasallos terá lugar no transcurso dun acto público o día 26 de maio no Salón de Actos do Edificio de Servizos Múltiples. Os autores premiados haberán de recoller persoalmente o premio outorgado acompañados polo equipo educativo do centro de referencia, podendo ser entregado a outras persoas acreditadas atendendo circunstancias que así o motiven. Os gañadores/as seleccionadas nas súas distintas modalidades, outorgarán ao Concello de Coristanco o permiso para publicar, difundir ou representar as obras, sempre facendo referencia ao seudónimo do autor.